

Gerichts Ordnung. VIII

Von dem Fürpietter.

W Ir wöllen auch dem Gericht yederzeit zue ainem Fürpietter/ ain Erbare glaubhafte Person/ als des Gerichts diener zueordnen/ wellicher allweg bey Gericht gegenwürttig sein/ vnnnd auff die Gerichts Personen/ mit aller gebürlicher Ehrebie- tung sein auffsehen haben/ vnnnd sich seines ampts gelegenheit auß hernach begriffner airdspflicht täglich wol erinnern/ vnd der selben wie sich gebüert/ nach khommen solle.

S Und solle der Fürpietter alle Schrifften vnnnd Brieff von Gericht/ sy seyen offen oder verschlossen/ auch die Rathschläg/ so in der Stat alldha das Gericht gehalten wierdet/ zü vberantworten seyen/ vleissig/ trewlich/ vnnnd glaubhaft an die gebürunde orth bringen vnd antworten/ vnnnd dauon sein bestimp- te Besoldung vngestaigert vnd vnbeschwert menigklichs emphas- hen. Es soll auch gemelter Fürpietter/ vmb mehrern Richtig- khait willen/ von solcher der Schrifften/ Brieff/ Rathschläg vnnnd Bes- uelch vberantwortung/ ain ordenlich Register halten/ vnnnd jedes mit vleis darein verzeichnen oder einschreiben lassen/ auff das auch von jme Fürpietter den partheyen Bernerter vberantwortung hal- ben/ desto richtigere vnd glaubwürtigere Execution gegeben wer- den möge/ Solle Er die Schrifften/ Brieff/ Rathschläg/ vnnnd Bes- uelch/ allweg selbst aigner person/ den partheyen zuetragen/ Wo es aber zue zeiten auß fürfallunden genuegsamen vrsachen vnd ver- hinderungen durch Jne Personlich nit beschehen möchte. Sol Er/ mit vorwissen des Lanndtmarschalhs/ oder Lanndtundermars- chalhs/ die vberantwortung/ durch ainem geschwornen Lanndt- poten/ oder ain andere glaubwürtige Person/ thuen vnd verrich- ten lassen.

II Rhüniglicher May, Neme

Fürpietters Ayd.

Fr werdet ainen Ayd zü Gott vnd den Heyligen schweren vnnnd bey Ewren Ehren vnnnd trewen angeloben/ Dem alledurchleütigisten Grofmächtigisten Fürsten vnd herin/ herin Ferdinanden/ Römischen auch zü Hungern vnnnd Behaim ꝛc. Rhünig/ Infanten in Hispanien/ Erzhertzogen zü Osterreich/ Hertzogen zü Burgundi ꝛc. vnserm allernadigisten herin vnnnd seiner Rhü. Mt. Regierung der Niderösterreichischen Lande getrew/ gehorsam vnnnd gewärttig zü sein/ das Fürpietter/ auch das Pottenmaisteramt/ welliche Saide Ampter/ von höchstgedachter Rhü. Mt. Euch diser zeit/ bis auff jerer Rhü. Mt. gnädigistes wolgefallen vnnnd veränderung/ mit vnnnd neben ainander züuerwählten bewilligt/ getrewlich/ auffrichtig vnd erbar/ nach ewrem höchsten vleiß vnnnd vermögen handeln/ vnnnd berichten welle/ Euch daran nichte verhindern lassen/ auch dem Gericht jeder zeit gebürliche ehrebiethlichkeit erzagen vnnnd beweisen/ vnnnd sonsten gemainlich alles das thuen vnnnd lassen/ des ain getrewer auffrichtiger diener/ Fürpietter vnnnd Pottenmaister zethuen vnd zelassen schuldig ist/ ongenärde.

Fürpietters Tax Ordnung.

Wo ain Ennd vntl ergeet vnnnd eröffnet/ wirdet dem Fürpietter geraicht/ vier Schilling phenning.

Idest iij. s.

Don